

Fortsatzung vu dor Seit Sechse

Annern Hutznobnd domols im Deitschn Haus warn mir allezam unner eichne leberraschungsgäst: Do ham mir nämlich aller nár denkbarn Schlacherstars bei nor Karaoke-Partie noochgemacht. Ihr wisst nimmer wo's Karaoke is? Do warn de Bilder samt de Liedtextle mit norn Biemer na dor Wand gezaubort un de Musik dorzu eigespielt. Noocherts braucht mor nár mitzelaasn un luszesinge... un sollt möchlichst de richtschn Töner dorwischn, su aafach is des un macht aa noch uhaamlichn Spaß!



FAHRDIENST

Wer am 04.11.2021 abgeholt und auch *wieder nach Hause* gefahren werden will, der möchte bitte bis 17:00 Uhr anrufen:

Matthias Schürer, Tel.:2666 (oder Handy 0179 2675015



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner 200. Blatt!



Mitteilungsblatt des
Erzgebirgischen Heimatvereines
Eibenstock e.V.

November
2021



Dor Herbst is eigezugn!


De Kuh Lieselotte un ihr Wag an dor Eigernordwand

Habt ihr schu mol mit eire Enkele su en Film mit dare Kuh Lieselotte gesah? Wenn net, do müßt ihr des emol noochhuln, denn die klenn Episodn sei schu racht spaßich un unnerhaltsam for de Kinner – emol uhne Gewalt un Zank un Streit! Un wagn dare Kuh sei mir itze in dor Schweiz in Grindelwald gewaasn. Na ja, eingtlich warn mir bei unnere Maad, aber dor Enkl hatt siech die Kuh samt ihrn Lieselottewag do ubn of dor Alp nu mol ausgesucht. Also hieß des, vu Küssnacht aus nooch Grindelwald fahrn un dortn sugar ieber-nachtn in nor wunnerschien Juchndharbarg – tätn mir sogn. Vürmittich gings lus: Mit dor Männlichn Schwebabah – die haaßt su, des is kaane weibliche Diskriminierung – nauf bis zen Aafang vu den Kuhwag.

Erscht emol de Ausblick eweng genießn un dann gings ne Wag entlang. Dar war racht steil mit vieln Kürvle un mannichsmol aa ganz schie uwagsam: mol Schotterstaa, dann aa eweng Morast. Mor muß halt aufpassn, wu mor do hielaaht – när net wagrutschn un hiefliagn! Is ging aber allis gut bis auf ne Bloss an dor linkn klenn Fusszeh, de Knie un de Wodn ham aa wos okricht.

Aber de Hauptsach war ja dor Spaß dorbei, mor mußtn 13 Statsjone ablaafn, wagn den Raatswort in Buchstob eizwickn un jedsmol gobs do de unnerschielichstn Vorgniegn ze dorlaabn: Alphornblösn, in Alpaufzuch mit Kuhglocknläitn, Weitsprunge, Kuhmelkn usw. Des ganze ging dorwagn ieber zwee Stund!

Zen Schluss gings dann vu dor Mittlstatsjon wieder nunner neins Tol. Is Ratswort ham mir rauskricht: **EIGERNORDWAND**, die hattn mir ja andauernd suswiesu vor de Aagn. Aber die mußtn mir - in Himml sei Dank - net dorklimmel Des werd morgn in schenn Muskklater gabn...un su wars aa!



Bis demnächst - eier Schmidt!

Wir gratulieren unseren Heimatfreunden

Heinz Richter	am 04.11.	zum 85. Geburtstag
Ursula Berger	am 10.11.	zum 77. Geburtstag
Petra Tuchscheerer	am 13.11.	zum 60. Geburtstag
Uta Schmidt	am 22.11.	zum 65. Geburtstag
Gudrun Neumann	am 23.11.	zum 69. Geburtstag
Annerose Reißaus	am 30.11.	zum 80. Geburtstag

Als neues Vereinsmitglied begrüßen wir: Sabine Heinz



*Eben, wenn man alt ist,
muss mann zeigen,
dass man noch Lust zu leben hat!*
- Johann Wolfgang Goethe -

Glückauf ihr Leit -is geht schu wieder wetter :

*Im November gibt's wieder unnern beliebten
Bastlobnd,
diesmol aus Restern, un zwar
am Donnerstich, ne 4. 11.21, 18.00 Uhr
im Vereinshaus
Brenge an bestn gelei ne Scher mit, un war
noch emol su wos mit Gläsern basteln will,
söllt aa gelei su e Glas mitbrenge!*

*Unner Märchnweihnachtsmarkt
Kaa dar Diesgahr wie geplamt stattfindn?
Wie haafts gelei:
De Hoffning stirbt zeletzt !!!*

*Vorankündigung:
Unnere Weihnachtsfeier 2021 is,
wenn nicht wieder dorwartn dorzwischn kimmt,
an Donnerstich, ne 09. Dezember
ab 18.00 Uhr im Hotel „Am Bühl“!*





Mir hattn abn aa ganz eichne leber-
raschungsgäst schu bei uns, grad wie zur
Zwee-Togs-Ausfahrt in de Tschechei im Hotel
ofn Arber drubn. Des wärn zwar net de
„Wildecker Herzbubn“, dodorfier aber de viel
schennern „Eimstocker Herzmaadle!“

Un aa den Super-
hit vun den DJ
Ötzi „Wie e Stern
in dare Sommor-
nacht“, ach naa , des war ja in Schöbel sei
Lied! „E Stern, dar dein Name träch!“ , su
mussis glaab iech zeminds haassn, des Lied
ham de Annit un de Brigitt emol bei uns zen
Bestn gabn un for gute Stimmung gesorcht.



Sugar zwee vu de Bietls ham mir
mol eigelodn, alle viere wärn
aber ze teier gewaasn! Im die
Sach noch eweng billicher ze
machn, ham mir aafach is
Schlochzeich wägelessn un
uns in Plasteamer vu dor
Lorenz-Gisel geborcht, des ging
fei aa ganz gut!



Annern Obnd
bein Fasching
2015 ham mir
gelei 2 Super-
stars eigelodn:
Dor Heino Müller
hat in Enzijan bei
uns wieder blau
bliehe lessn...

... un seine Adelheid hat ganz scharmant dar
Andrea Berg ihre Dorfolgsschlocher wie „Du
host mieh tausendmol belochn“ absolut gut
eigebracht.



Fortsatzing of dor Seit Achte

Wenn die Blätter von den Bäumen stürzen...



Wenn de Blattle vu de Baame stürzn
un de Tog togtäglich siech vorkirzn,
wenn Amsl, Drossl, Fink un Meisn
de Koffer packn un vorreisn,
wenn alle Madn, Mottn, Mückn,
die mir vorsäimt ham zu dordrickn,
vu salberst starbn – su glabt nār mir:
is stieht dor Winter vor dor Tür!

lech less ne stieh ! lech spiel ne e paar Possn!
lech hob mei Tür vorrieclt un gut ogeschlossn!
Dar ka net rei! lech hob ne aageschmiert!
Nu stieht dor Winter vor dor Tür - un friert!



Von kenn geringern
wie vun den anno dozemel
bestn Humoristn,
ne Heinz Erhardt,
ins gebirgische imgemaart
wie immer - vun Schmidt!



leberraschungsgäst im Vorein



leberraschungsgäst – die gobs eingtlich schu immer in unnern Vorein. Mor muss när unnerscheidn zwischn eichne un fremme. Zenächst will iech emol an de fremme dorinnern. Des ging 2012 lus mit dare Raamachfraa. Des war e Obnd, wu mor ausn Lachn nimmer rauskam un en hinnerhar alles weh getaa hat! Un wos is aus dare Fraa, ach na, des war ja e Saubermachmaa, später wurn? Ne eichne Firma hat dar siech eigericht un stellt nu de bestn un edlstn Handschuh har!

2013 ham mir uns vorzaubern lessn vun unnern Georgi-Steffen, des is dor Chef vun Kulturhaus in Aue. Außerdam hat dar schiene Musik mit sein Leierkastn gemacht un mir ham mitgesunge!



Un 2014 hab iech in Rehr-Peet raagehult, den hab iech noch gekannt vu unnern schen damaligh Tanzobndn in Aue. Do hat ar mit seiner Bänd oft aufgespielt. Dar hat bei uns schiene arzgebirgsche un internationale Liedle gesunge, imgemaart mit eigne Textle in unnerer Mundart:



„Iech vorlor mei Brill am Bluberri Hill...“

Nooch ner Ausstellung in Aue mit Karrikaturn kam iech zun RAF- des is nicht politischs - des is dor Ralf Alex Fichtner aus Schwarznbarg, dar Schnellzaachner is un de herrlichstn Karrikaturn aafach su aus dor Hand schittlt, wie mor su socht. Dar hat immer wieder de bestn Ideen zu aktuelln Aalässn, ze saah immer wie-



der in dor „FreinPress“. Und hat dar domols in e paar Minitle uns schkizziert un aa noch in Farb gemolt!

Im Gahr drauf kam is Arzgebirgsangsambl – also net alle - blus dreie dorvu, dor Kindt,Steffn, dor Olschewski un natierlich unner klaaner Schiehaader Hans! Do ham siech vor alln de Om un dor Op vunne gefreit- un mir ham uns ieber seine Gedichtle amisiert un viel gelacht!

Dann warn do aa noch de Hundshübler Konzertinafreinde im Gahr drauf dra. Die hattn aa paar lustiche schiene Liedle dorbei, wie zen Beispiel in „Schwammemarsch“, mol of huchdeitsch, mol original arzgebirgisch.



2018 hattn mir glaab iech irgnd in Gust, dar hieß wie e Gartnkraut, ach ja, Peter Silie! Dar hat knallharte Witzle aa unner dor Girtllinje dorbei! Do is kaa Aach trockn gebliebn!



Is Gahr drauf war noch su e Haudee chn bei uns, dor Radaubruder Harry. Aa dar war net esu harmlus mit seine Sprich un Liedle, also richtig zen quieken.



Eingtlich war 2020 dor Rehr-Peet noch emol dra gewaasn, aber do war ersucht emol de Corona ne ganz damische leberrasching, do ging gar nischt! Aber in Oktober Gans dann in ganz besonderen Gast: dor ehemalige Chef vun Tanzorchester Aue, dor Sigmar Jargosch! Des war e Obnd vu ganz besonderer Giete, mit Saxofon un Klarinett un Lieder vun allerfeinstn!